

2 Petro

1 Si³mãu² Pe²jah³lo²na¹xai²na² Je³su²
 Kris²tu³jah¹lai²na² a²sa³wit³sa¹wa².
 A³lxi²sa³ha²kxai³ a²wa³kxën³no³sa²kah³lo²sa¹wa².
 ĩ³sa²si¹hã³sa²kxah³lo²sa¹wa². Nxe³sa³ha²kxai³
 wã³txa² ũ³wha²li¹lhã³ ũ³hũ²xai³nx²ta¹wa².
 Je³su² Kris²tu³jah¹la² Txa²wã¹sũ³nu²su²
 ha²kxai³ wain³ju³ta² so¹lxi³ kãi³jah¹lai²la¹wa².
 Ko³nxe³ti³ kãi³ki³ju³ta² sa²wa²su¹tẽ³jah¹lai²la¹wa².
 Nxe³jah¹lo²su² ha²kxai³ ĩ³yo²ĩ²a¹wa².
 ĩ³yo²ĩ²a¹ha²kxai³ wain³te²lot³sa²jah¹lo²sa¹wa².
 Nxe³sxã³ txai²yã¹nxe² yxo²ĩ²yah³lxin¹te² ĩ³nxai²na²
 ũ³wha²li¹lhã³ ũ³hũ¹nx²ta¹wa².

2 Nxe³nx²ta¹ha²kxai³ Txa²wã¹sũ³na²
 Si³yxau³jah¹lai²na² sa²kxai³lu² Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lai²na² sa²kxai³lu²
 nxe³ya³sxã³ kãin² thãi³ti³la² a³lxi¹nx²ti³si¹hi²
 wxa²nxũ²kwai³nãu³a² ã³nhãu²no³txa²lxi³si¹hi²
 nxe³nx²ti³si¹ha¹jau³su² ten³sa³nha²wa².
 Wi¹la³la³kxi²nũh¹yah³lxin¹nha²kxai³ ã²la²
 kãi²non³sxã³ nxe² ai³nx²ti³ju³ta² ten³sa³nha²wa².

Txa²wã¹sũ³na²ĩ²sxã³ĩ³sa²so¹nẽ³jau³su²

3 Jã¹nxe³jut³su² Txa²wã¹sũ³na² sa²kxai³lu²
 Nũ³kxũn³ta² Si³yxau³jah¹lai²la¹wa².
 Wxi²kin³ti³ton³ju³ta² kãin²khaix¹nx²na³la².
 Wi¹ju³ta² so¹lxi³ kãi³jah¹lai²la¹wa². Txa²wã¹sũ³na²
 hi²sen³kxai³lu² a³la³kxi²si¹nhẽ³jah¹lai²la¹wa².
 ĩ³kaix¹so¹nẽ³na²hẽ³la². Nxe³nẽ³lha²kxai³
 ka³te³na² wi¹tãu³la³ ya²la³tu³ ũ³hũ¹nhẽ³na³la².

Nxe³ju³tan¹te²kxa³yan³tu³ a²ya³la³tu³
 wi¹lhin¹ti¹hi¹tē³na³la². Txa²wā¹sū³na²
 a²nū³kxūn³ju³tan²tu³ ī³hxi²kat¹sa²so¹nē³na³la².
 Ju¹tai²na² a³la³kxi²ki³tā³la². 4 Nxe³ki³sa³ha²kxai³
 yen³kxa² wi¹khaix¹te²a² ũ³hū¹nhē³te³lhxā³
 ī³ye³ū¹nhē³na²hē³la². Oh³xan¹te²a² yxo²kwain³kxa²
 Txa²wā¹sū³na² yā¹nxe² yxo²kwain³kxa²
 ī³wet¹si¹nhē³ju³ta³nū³a² ten³si¹nhē³jau³su²
 ī³ye³ū¹nhē³na²hē³la². Jā¹nxe³ha²kxai³ oh³nān¹te²a²
 yxo²kwain³kxa² nxū²kwai³yxau³nē³kxai²nān²tu³
 Txa²wā¹sū³na² e²nain¹te²la³ yxo²kwain³kxa²
 ā³wa²sut¹sxā³ yxau³hī³ki³tā³la².
 Txa²wā¹sū³na² e²nain¹te²la³ yxo²kwain³kxa²
 ī³kō³nxe³kxi²nē³te²ju²hē³la², nxe³ha²kxai³la².
 5 Jā¹nxe³ha²kxai³lu¹ ī³nxū²kwai³lxū¹jah¹lxi³hē¹la².
 Kxān³su² yxo²i²yah³lxi³ta¹hi¹nhē¹la².
 Jā¹nxe³sa²tē³jah¹lxi³hē¹la². Yxah³lxin¹kxai²nān²tu³
 wxa²ē¹nāu³ai²na² ī³wi¹lhin¹jah³lxi³hē¹la².
 Nxe² ī³wi¹lhin¹yah³lhin¹kxai²nān²tu³
 kāin² wi¹kō³nha¹jah³lxi³hē¹la². 6 Nxe²
 wi¹kō³nha²yah³lxin¹kxai²nān²tu³ wain³txi³
 ain³nha²sxā³ a²hoh³lxi³si¹jah³lxi³hē¹la².
 Nxe³yah³lxin¹kxai²nān²tu³ khāuh³lxa³txi¹nx²tain¹kxan²ti³
 Txa²wā¹sū³na² wān³txa² kan²txi³
 yxo²i²jah³lxi³hē¹la². Kan¹txi³ yxo²i²yah³lxin¹kxai²nān²tu³
 wi¹lhin¹ju³ta² so¹lxi³ kāi³nha¹jah³lxi³hē¹la².
 7 Nxe² kāi³nyhah¹lxin¹kxai²nān²tu³
 wi¹lhin¹ye²nha¹jah³lxi³hē¹la². Wi¹lhin¹ye²nyhu¹ah³lxin¹kxai²nān²tu³
 a³lxi²waun¹nha¹jah³lxi³hē¹la². 8 A²nxe³ju³txai²na²
 a²yxō²ha³kxa¹ wxa²ē¹nāu³ai²na²
 wi¹lān³so¹yah³lxin¹kxai²nān²tu³ wi¹lān³sa²si³tē³kxah¹lxin¹kxai²nān²tu³

Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹la² a³la³kxi² kã²non³yah³lxi³hĩ³nxa¹lxa².
 Kwa²toh³lxa³ti³sa²yah²lxa³nha²kxai³ au³txi³
 wxa²ẽ¹nãu³ai²na² ã³ten³yah³lxi¹nha²kxai³
 nxe³yah³lxi³hĩ³nxa¹lxa². 9 Nxe³yã¹ta¹
 a²nũ²a² ĩ²li³te² ĩ³nxai²na² ju¹ta²na²
 sa²kxai³lu² taut³ton³kxai²nãn²tu³ a²nũ²a²
 ye³han³jah¹lo²hũ³yah³lxi¹nha²kxai³ a²nũ²a²
 u²lxi³ ten³sa²tã³xa³jah¹lo²hũ³yah³lxi¹nha²kxai³
 nxe³yah³lxi³hĩ³nxa¹lxa². A²kxã³nxã¹ju³ta²
 nxe³wã²na³yah³lxin¹kxa² yã¹yxah³lxi³hĩ³nxa¹lxa².
 A²kxã³nxai³tã² ko³nxe³ti³ kã³yah³lxin¹ta¹ti²tu³wa².
 Yxã¹ta¹ Je³su² Kris²tu³jah¹la² ã³wa²su¹txa²lxi³ta¹ti²tu³wa².
 Nxe³kxe³su² nxe³wã²na³yah³lxi³hĩ³nxa¹lxa².

10 Jã¹nxe³ha²kxai³ txa²wã³tã³sa²yah³lxi¹lxa².
 Je³su² Kris²tu³jah¹la² ĩ³nxa²lxi³sxã³
 ĩ²sxã³ ã³yũ³so¹nx2ti³ta¹hxai²ti³ai¹ti²tu³wa².
 Nxe³ju³ta²na² yxo²i²nha²khai¹nxe³jah³lxi³hẽ¹la².
 Nxe³yhah¹lxin¹kxai²nãn²tu³ hai³txi³ a²nũ²a²
 ye³han³jah¹lo²su² te²a² ã³ya³hi²te²hũ³nxe²
 ko³nxe³ti³ kã³ju³ta² kã³yah³lxi³to³hĩ³nx2nxa³lxa².
 11 Jã¹nxe³jut³su² wi¹lĩ²nyhah¹lxin¹kxai²nãn²tu³
 Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹la² jah¹lain²txi³ ko³nxe³ti³ kã³ki³ju³ta²
 ã³wa²su¹tẽ³jah¹lain²txi³ Txa²wã¹sũ³na² ha³lo²a²
 ã³wih¹sxã³ yxau²sa²tẽ³yah³lxin¹ju³ta³nũ³a²
 ĩ³hau³ko³tũh¹nx2ti³tu¹wa².

12 Jã¹nxe³jut³su² ã³wi¹yhah³lxin¹ju³ta³nũ³su²
 ten³khai³1sa³ha²kxai³ wãn³txai²li²
 ĩ³tih³nxe³nx2ti³jau³xai²li² ãh¹ e³kxi²nha²
 ai³yah³lxin¹jau³nũ³su² ĩ³hen³txi¹nx2ti³to³ha¹tu¹wa².

A²nxe³jau³xai²na²wān³txai²li²ĩ²yah³lxin¹jau³xai³ta³lxa²na³la².
Ya²la³lyau³xain²txi³wi¹ko³nh³yah³lxin¹jau³xai³ta³lxa²na³la².

13 Jā¹nxa¹jut³su² ha²kxai³ yuh³xan¹ko³xa²
yxau²xai³la¹te²tu³ āh¹ e³kxi²nha²
ai³yah³lxin¹jau³nũ³su²ĩ³hen³txi³xi¹nx²ti³to³ha¹tu¹wa².
Ju¹tai²li² wain³nha¹. Nxa¹nha²wa².

14 Jā¹nxa¹jut³su² ye³jen¹na² ya³lu²na¹tu¹wa².
Je³su² Kris²tu³jah¹la² Txa²wā¹hxi²kan¹ta²
Si³yxau³jah¹la² e³lẽ³na¹ ĩ³hen³txi³sa³na²hẽ³la².

15 Nxa¹ha²kxai³lu¹ ya³lu²na¹hĩ¹nān¹te²tu³
txa²yo²wān³txa² ĩ³hen³txi¹nx²ta¹jau³xai²na²
nxe³wā²na³sxā³ tũ¹kxi¹nx²ti³kxa²yan³txi³nũ³su²
hxi²waun³txi³sa³nha²wa². Nxe³sa³ha²kxai³
āh¹ e³kxi²nha² ai³yah³lxin¹ju³ta³nũ³a²
hxi²nũ¹nx²ta¹tu¹wa².

Kris²tu³jah¹la² wxi²kin³ti³ton³ju³ta²ĩ²jau³su²

16 Nxa²ha¹te¹ a²kxā³nxi¹nai³tā²
wān³txa² ĩ³hen³txi¹nx²ta¹tai¹ti²tu³wa²
Je³su² Kris²tu³jah¹la² Txa²wā¹hxi²kan¹ta²
Si³yxau³jah¹la² a³ka³nxi²sxā³ wā³li²ju³ta³nũ³a²
ĩ³hen³txi¹nx²ta¹ha²kxai³ Jah¹lai²na² nũ³kxũn³sxā³
yxau²xai³ju³ta² ĩ³hen³txi¹nx²ta¹ha²kxai³
nxe³nx²ta¹tai¹ti²tu³wa². A²nxe³jau³xai³tā²

hai³txi³ txa²wā¹yah³la²nāu³u¹tai²nān¹jau³xa²
ĩ³ye³wā³nxĩn¹sxā³ ĩ³tih³nxe³nẽ³jau³sxa³tai¹ti²tu³wa².
Nxe³yān¹ta¹ txai²na² txa²nũ³ka³txi³nāu³xai²na²
txa²wā¹yen³nāu³a² ĩ²sĩ¹na¹ju³khai³su² nũ³kxũn³sxā³
kāi³ju³ta² so¹lxi³ ĩ³hen³txi¹nxa²lxa¹hẽ³la².

17 Jā¹nxe³sxā³ ĩ²sĩ¹na¹ju³tai³tā² nxe³te³nah¹lxi¹.
Txa²wā¹sũ³na² Si³yxau³jah¹lai²na² Txa²wā¹wĩ³na²
Si³yxau³jah¹lo²su² ha²kxai³ nxe³te²hi²sen³kxai³lu²

Je³su² Kris²tu³jah¹lo²kxai³lu² i³sa²nēn¹kxi²
 nxe³ye²nyha¹na²hē³la². Nxe³te³na¹ Txa²wā¹sū³na²
 Si³yxau³jah¹lain²txi³ Wxi²kin³ti³ton³txa²
 Si³yxau³jah¹lain²txi³ wān³txa² wi¹lhin¹ti³hit¹jau³su²
 e³kxi²na²hē³la². E³kxi²te³nah¹lxi¹:

— Jah¹lai²na² Je³su² Kris²tu³jah¹lai²na²
 Txa²ki³lha³lxa²khai³xai²la¹wi¹. A³lxi²khai³na¹kxah³lai²la¹wi¹.
 Wi¹lxon³kxi²khai³sa²kxah³lai²la¹wi¹.
 Nxe³na²hē³la². 18 Nxe³jau³jau¹xai²li²
 txa²ne³nxē³na² ain³kxi²sī¹na¹hē³la². Oh³xan¹te²a²
 e³kxi²jau³xai²la¹wa². Wā³la³ka³txa²
 ka³la³ya³sain¹sī¹nhī¹nai³tā² wān³txa² jau³jau¹xai²na²
 ain³kxi²sī¹na¹hē³la².

19 Jā¹nxe³kxa²yu³su² wān³txa²
 au³hxai²ti³ai¹tān¹jau³xu¹tai²na² ya²la³tu³khai¹nxe³jau³su²
 ti³ai¹ti²tu³wa². Nxe³jau³xu¹tai²li²
 wi¹lain³kxi²ki²jau³xai²la¹wa². Lā³pi³āu²tē³na²
 te²hū³na³la². Nxe³tē³na² ha³lo²a²
 ka³nxah³ju³ta² sa²kxi³kxi²nē³na³la².
 Ī³ha²te¹sa²tē³te²ju²hē³la². Ī³yū¹li²nxa³tā³lxa¹
 hi³ka²ta³a² a³li³xi²nxa³hī¹nān¹te²tu³
 ĩ³ko¹x1ko¹sa²tē³te²ju²hē³la². Jā¹nxe³kxe³hū³nxē²
 wān³txa² au³hxai²ti³ai¹tān¹jau³la³ ha³lo²a²
 wxā³ju³ta²nū³a² hxi²kan¹txi³ ĩ²ki³sxa³ju³ta³nū³a²
 ĩ³yau¹ū¹jau³xai²la¹wa². Txa²wā¹ē¹nāu³ai²na²
 ĩ³ko²ko²txa²nhe¹nhē³jau³xai²la¹wa². 20 Jā¹nxe³jau³xa²
 au³hxai²tān¹jau³xu¹tai²na² Txa²wā¹sū³na²
 ha³teh³nxā³nxai²nān¹jau³su² ta¹hxai²hē¹la².
 Nxe³jau³jau¹xai²na² sa²kxai³lu² a²nū²a²
 hxi²ki³la³ kwa²to³toh³lxi² si³yxau³tāu³su²
 ti³hi¹tain¹ta¹hxai²nxa³hē¹la². 21 Hai³txi³
 a²nū²khai³su² te²li² hxi²kan¹txi³ wān³txa² ha³lo²a²

wxã³ju³ta²nũ³a² ĩ³yau¹ũ¹nhẽ³te²sxa³yu²hẽ³la².
 Nxe³yãn¹ta¹ Txa²wã¹sũ³na² Yãu³ka³jxah¹lo²su²
 wi¹lhin¹khaix¹jah¹lo²su² te²a² hxi²ki³kxai³lu² a²nũ²a²
 a²nxũ²kwai³wih¹sxã³ ĩ³yau¹ũ¹ta¹hxai²ti³ai¹ti²tu³wa².

2

Yxo²ĩ²sxã³ hxi²kan¹ki³lxo³tũ³ka³txa²
ĩ³yau¹ũ¹nhẽ³jau³su²

1 Nxa²ha¹te¹ a²kxã³nxai³tã² Sũ³na² wãn³txa²
 ĩ³hen³txi³ki³lxo³te²a² wxã³ain¹ta¹hxai²ti³ai¹ti²tu³wa².
 Nxe³te³nu¹jã¹nxe² wxã³ain¹tu¹wa².

Ã³ke³tũ¹nx2ti³ha³ta²wa². A²nxe³te²na²
 wãn³txa² ka²yãu¹ka²yãu¹jau³xa²

hãi³a² ĩ³hen³txi¹nx2tai¹nha³ta²wa².
 A²nxe³jau³xa² ĩ³hen³txi³nx2tain¹jau³nũ³a²

kãin² ki³han³jau³nũ³ai²la¹wa². Je³su²

Kris²tu³jah¹lai²na² txa²wã¹kõ³nxe³ti³ kãi³ki³ju³ta²
 wxa²wa²su¹tẽ³kxe³su² te³nai¹nxa³lho³la².

— Ki³han³jau³xai²la¹wi¹. Je³su²jah³la²

wxa²wa²su¹tũ¹nhẽ³lxa³hẽ³li¹. Yxo²ĩ²ain¹yah³lxi³txa³hẽ¹li¹.

Nxe³jau³xa²he³la³kxi³su²ĩ³hen³txi³nx2tai¹nha³ta²wa².

Yxãn¹ta¹ kãin² ki³ha³nai¹nha²kxai³ wa³su¹txi³
 ye³jen¹na² ya²lun¹txa²hxa³nain¹tu¹wa²,

kõ³nxe³te³sxã³ ĩ³ki³ha¹kxi¹nx2tain¹tũ³ka³txa²sa³.

2 Jã¹nxe³jut³su² tũ¹kã³txai²li² ki³han³jau³xa² so¹lxi³
 e³kxain¹tu¹wa²;

— Kõ³nxe³ti³ ã³whĩn¹ta³kxi²nyhu¹ki³kxa²

ha³ta³nxãn²txi³ wain³na³li¹. Nxe³jau³jau¹xai²na²

e³kxai¹nha³ta²wa². Nxe² e³kxain¹kxa²

ha³ta³nxãn²txi³ wxa²nũ³ka³txi³ ĩ³nxai²na²

ain³kxain¹kxa² yãx¹te²a² yũ³yah³lxi¹nha³ta²wa².

Kõ³nxe³ti³ kãi³ain¹kxa² yã¹nxe²

kãi³yah³lxi¹nha³ta²wa². Nxe³yah³lxin¹kxai²nãn²tu³

wǎn³txa² wain³jau³xa² ya²la³tu³tīh³na²
 ko³nxe³ti³hit¹jah³lxi¹nha³ta²wa². 3 Jǎ¹nxe³jut³su²
 tū¹kā³txai²li² ā³ke³tū¹nx²ta¹nha²kxai³ kǎin²
 yen³kxi³hain¹tu¹wa². Ko³nxe³ti³ kǎi³ai¹nha²kxai³
 yen³kxa² kǎin² so¹sxā³ hǎi³a² ũ³wha¹ain¹tu¹wa².
 Nxe³kxa² ha³ta³nxān²txi³ nxe³hī¹nān¹te²tu³
 ko³nxe³ti³ ĩ³yī¹li²hain¹ju³ta² yū³tu¹wa².
 ĩ³yī¹li²hain¹jah¹la² ye³te³nxa² ĩ²ain¹tu¹wa².
 Ko³nxe³ti³ ĩ³yī¹li²hain¹ju³tan¹te²kxa³ya³lhu² kǎin²
 khāuh³lxa³thin¹sxā³ yxau²xai³lain¹ju³ta³nū³a²
 yū³yah³lxi³tu¹wa².

4 Jǎ¹nxe³kxe³hū³nxe² kxā³nhxī¹nu¹ta²na²
 oh³xan¹ta² nū³kā³txa² ka³lxa²nxa³te²a²
 nū³kā³txu¹ta²na² Txa²wā¹sū³na² wǎn³txa²
 sa²yo²ā³ain¹ta¹hxai²hē¹la². Nxe³nū²la²
 ko³nxe³ti³ kǎi³ai¹nha²kxai³ Txa²wā¹sū³na²
 hi²sen³kxai³lu² tū¹kā³txai²na² tē³sxā³
 ai³sxā³ kan²txi³ ũ³tī¹kxain¹ta¹hxai²hē¹la².
 Ka³nxah³khaix¹nxe³je³na² ũ³tī¹kxain¹ta¹hxai²hē¹la².
 Kxā³nāu³a¹ ko³nxe³ti³ kǎi³ain¹kxa²
 yo³ha² ũ³hū¹ain¹ju³ta³nū³ān¹te²kxa³ya³lhu²
 ũ³tī¹kxa² wxē³ain¹ta¹hxai²hē¹la².

5 Tē²yā¹nxe³kxe³hū³ju³kxai³lu² kxā³nhxī¹nu¹ta²na²
 No³e²ah³lu¹ta²na² yxau²xai³ta¹hxai²ti³ai¹ti²tu³wa².
 Nxe³hī¹nu¹ta²na² a²nū²a²nāu³xu¹ta²na²
 No³e²ah³la² ĩ²yxau³kxain¹tū¹kā³txu¹ta²na²
 yxo²ĩ²ain¹ta¹hxai²nxa³ti³ai¹ti²tu³wa².
 No³e²ah³lu¹ta²kxai³lu² Sū³na² wǎn³txa² wain³jau³xa²
 ye³ka³lxa¹txi³ kwē³kon³tāu³a² ĩ³hen³txi³kxan²ti³
 hai³txi³ sa²yo²we¹tain¹ta¹hxai²nxa³ti³ai¹ti²tu³wa².
 Nxe³ka³tu³ta¹ Txa²wā¹sū³na² hi²sen³kxai³lu²
 ĩ³yau³xa² kǎin² wē³hā¹si¹ha²kxai³ ka³wā³lxa²

kāin² hūx1si¹ha²kxai³ yuh³xan¹ko³xai²na²
txa²wā¹ha³lo²ai²na² whāi²na¹ ā³tī¹kxa²
sa²sai¹ti³hi¹ta¹hxai²ti³ai¹ti²tu³wa². Nxe³sxā³
No³e²ah³lu¹tai²na² so¹lxī³ a²wē³ha³lxī³yu³txu¹tai²na²
a²nū²a²ha¹li¹ha¹li¹ha¹li¹ka³na³ki¹nxe³te²a²so¹lxī³
wxa²wa²sut1sxā³ hi¹nain¹ta¹hxai²ti³ai¹ti²tu³wa²,
Yxān¹ta¹ Sū³na² sa²yo²ā³te²nāu³xa² sa²kxai³lu²
ī³lo³nxe² ya²lun¹ta² hxa³nain¹ta¹hxai²ti³ai¹ti²tu³wa².
6 Te²yā¹nxe³jut3su² kxā³nhxī¹nu¹tai²na²
a²nū²a²nāu³xu¹tai²na² So³to²ma² nū³kā³txu¹tai²na²
Ko³mo²ra² nū³kā³txu¹tai²na² nxe³sxā³ kāin²
ko³nxe³ti³ kāi³ain¹ta¹hxai²ti³ai¹ti²tu³wa².
Nxe³ha²kxai³ Txa²wā¹sū³na² hi²sen³kxai³lu²
sxi²je³nu¹tā² ū³thū²hxa³tain¹ta¹hxai²ti³ai¹ti²tu³wa².
Nxe³sxā³ Sū³na² wān³txa² a²ē¹nān¹jau³kxai³lu¹:

— A²nū²a² ī²li³te²su² te²nū³a² ko³nxe³ti³
kāi³ain¹kxa²yān³ti³su² a²yo³ha² ko³nxe³ti³
ī³yī¹li²hai¹na¹kxe³nū³su² a³la³kxain¹tū¹xā¹.
Nxe³nha²ta¹hxai²hē¹la². 7 Nxe³sxā³
yuh¹xan¹ko³nāu³a² kwa²ten³sa²tā³tāu³a²
Lo³ah³lu¹tai²na² so¹lxī³ wi¹lhin¹ta² kāi³jah¹lo²su²
ye²ta¹hxai²ti³ai¹ti²tu³wa². A²nū²a²nāu³xai²na²
a²yo²ha³kxa¹ kuh³lxa³thin¹sxā³ ko³nxe³ti³
wa³nī³lo³nai¹nha²kxai³ wai³nxa³ju³ta² so¹lxī³
kāi³ain¹ta¹hxai²hē¹la². 8 Nxai¹nha²kxai³lu¹
Lo²ah³lu¹tai²na² sa²kxai³lu² a²ē¹nān¹jau³kxai³lu²:

— Tū¹kā³txai²na² ko³nxe³thin¹ju³ta² so¹lxī³
kāi³sa²tē³ain¹nīn²tā¹. Nxain¹ju³tai²na²
txa²ē¹nāu³a² au³txi³ īh³nha¹. Te²yā¹nxa²
kāi³a¹ju³ta² ten³sa²nxa³nha¹. Yxo²kwī¹kxi²sa³nha¹.
A²ē¹nān¹jau³xa² Lo²ah³lu¹tai²na² nxe³ta¹hxai²hē¹la².
Nxe³ju³tan¹te²kxa³yān³tu³ Txa²wā¹sū³na²

hi²sen³kxai³lu² Lo²ah³lu¹tai²na² so¹lx³
 sa²sai¹xi²sān²nũ²la² sxi²je³nān¹tũ³ka³txa² whāi²na¹
 ya²lu¹ta³lxa²hxa³tain¹ta¹hxai²ti³ai¹ti²tu³wa².

9 Nxe³ju³tai²na² Sũ³na² ũ³wha²li¹txā³nxa²
 ĩ²ki³te²jai¹ti²tu³wa². Nxe³ki³sa²kxai³

a²nũ²a² wi¹lhin¹ti³hi¹te²na² ko³nxe³ti³ju³ta²
 ĩ³ha¹txi²nħain¹kxai²nān²tu³ Txa²wā¹sũ³na²

nxũ²kwai³lxũ¹nũ¹ħain¹tu¹wa², ko³nxe³ti³
 kãi³kxa²yan³ti³sa². Te²yā¹nxe³kxe³hũ³nxe²

wi¹lhi¹nai¹nxa³te²a² kãi³kxa² yo³ha²
 ũ³wha¹ũ¹ħain¹tu¹wa². Kxã³nãu³a¹ a²nũ²a²

a²yxō²ha³kxa¹ kãi³ain¹kxa² yo³yhu³ta²
 ũ³hũ¹je³na³kxa² ũ³wha¹nũ¹ħain¹tu¹wa². 10 Nxe³sxã³

ko³nxe³ti³ kãi³tũ³ka³txai²na² sa²kxai³lu²
 kuh³lxa³thin¹sxã³ o²la³kxi²nyhu¹kxi³ju³ta² so¹lx³

yxō²kwai³nai¹nha²kxai³ yuh³xai²nān¹te²a²
 kuh³lxa³thin¹kxi²ju³ta² yxau²xai³lain¹na³la². A²nũ²a²

a²hxi²kan¹jah¹lai²na² wān³txa² sa²yxō²ã³ain¹na³la².
 Txa²wā¹sũ³na² Si³yxau³tãu³a² yuh³lai¹nxa³sxã³

ko³nxe³te²lot³sxã³ e²nai¹nha²kxai³ a²nũ²a²
 hxi²kan¹jah¹la² yuh³lai¹nxa³ha²kxai³ ain¹kxa²yu³su²

a²ẽ¹nãu³a² te³nain¹kxa² so¹lx³ kãi³sa²tẽ³ain¹na³la².
 Te²yā¹nxũn³sxã³ oh³xan¹te²nãu³xa²

yuh³lxai¹nxa³sxã³ ko³nxe³ti³hit¹jau³su²
 e³kxi²nũ¹ħain¹na³la², ko³nxe³tũ³ka³txa²sa³.

11 Nxain¹ju³tan¹te²kxa³yan³tu³ta¹ oh³xan¹te²nãu³xa²
 nũ³kxũn³txi³ wa³to²hi²tũ³ka³txi³su² ha²kxai³

hxi²kan¹txi³ wa³to²hi²tũ³ka³txi³su² ha²kxai³
 nxe³te²a² ha³tã³nxãn²txi³ te²yā¹nxe³jau³xa²

Txa²wā¹hxi²kan¹ta² Si³yxau³jah¹la² a²yen³nãu³a²
 ko³nxe³ti³ ĩ³yī¹li²si¹jau³nũ³su² e³kxai¹nxa³wa³.

12 Nxe²nxa³ha²kxai³ yuh³xai²nān¹te²a²

ko³nxe³ti³ kãi³tũ³ka³txa²kxai³lu² ka³yxuh³xa²
 yã¹nxain¹na³la². Nxe³te²a²ka³yxuh³xa²kwa²ha³lo²a²
 ai³te²ju²hẽ³la². Ai³te³na¹, a²nũ²a²hi²sen³kxai³lu²
 wa³ka³to³kxi²sa²ha²kxai³ ã³nan³kxi²te²ju²hẽ³la².
 ĩ²li³ju³ta² te³nain¹kxai²nãn²tu³ ai³lyain¹te²ju²hẽ³la².
 Sũ³na² wãn³txa² nxũ²kwai³yxau³te²sxa³yu²hẽ³la².
 A²nxe³ tũ¹ka³txai²nãn²tu³ te²yã¹nxain¹na³la².
 Yen³kxa² ko³nxai¹nxa³kxa² ko³nxe³ti³hi¹tain¹na³la².
 Jã¹nxe³jut³su² tũ¹ka³txai²na² sa²kxai³lu²
 ka³yxuh³hũ³yai¹nha²kxai³ ĩ³ya²lut¹sxã³
 hxa³tain¹tu¹wa². 13 Ko³nxe³ti³
 kãi³ai¹nhxai²na²hẽ³ nxe³ju³tan¹te²kxa³ya³lhu² kãin²
 khãuh³lxa³tain¹tu¹wa². A³lan²ta² hãi¹nxa² ko³nxe³ti³
 wa³nĩ³lon³ju³ta² so¹lxi³ yxo²kwai³nain¹na³la².
 Yain³kxi²nyhu¹ah³lxin¹kxai²nãn²tu³
 ãu²lxa²thin¹yah³lxi¹nha²kxai³ ko³nxe³ti³
 kãi³yah³lxi¹nha²kxai³ nxe³yah³lxin¹tãu³a¹
 kwa² wi¹lhin¹ki³lxo³yxah¹lxi¹lxa². 14 Txu¹ha²
 ã³xai²la³ ta³nxa² in³txa² ã³xai²la³ ta³nxa²
 ũ³whĩn¹ta³kxi²nyhu¹ju³ta² so¹lxi³ te³nain¹na³la².
 Ko³nxe³ti³ kãi³ju³ta² so¹lxi³ o²la³kxain¹na³la².
 A²nũ²ai²na² kũ³we²ki²la² yxo²i²xa³te²a² ko³nxe³ti³
 kãi³si¹ju³ta³nũ³su² o²la³kxain¹na³la². Ko³nxe³ta²
 yxo²kwain³kxa² so¹lxi³ a²ẽ¹nãu³ai²na² wa³kxih³
 wxe³nhain¹na³la². Nxe³ju³tan¹te²kxa³ya³lhu²
 Txa²wã¹sũ³na² hxi²ki³kxai²li² ko³nxe³ti³
 ĩ³yĩ¹lain¹ju³ta³nũ³a² yũ²na³la². 15 Txa²wã¹sũ³na²
 wãn³txa² sa²yxow²we¹tĩh³na² ĩ²ain¹ta¹ tĩh³nu²
 ã³lxi³tĩh³nai²na² ai³lain¹sxã³ tĩ¹kxi²nyhain¹na³la².
 Ba³la³ãu²ah³lu¹tai²na² Be³o²rah³la²
 a²ki³lha³lxu¹tai²nãn²tu³ ã³nxai³tĩh³nain²txi³

ai³lain¹na³la². A²nxe³jah¹lu¹tai²nān²ta³ ko³nxe³ti³
 kāi³ju³ta² yo³ha² yxo²kwain³ta¹hxai²ti³ai¹ti²tu³wa².
 16 Yxo²kwain³ta¹ ju³mēn²tu¹tai²na²
 ka²va¹la²hũ³te²a² ā³ka³ti³wxe²xai³tāu³a¹
 hai³txi³ ju³mēn²to²te²na² hxi²kan¹txi³ a²nũ²a²
 wān³txa² e³te²sxa³yu²hē³la². Nxe³kxan²ti³
 ju³mēn²tu¹tai²na² hi²sen³kxai³lu² a²nũ²a²
 wān³txu¹jā¹nxe³sxā³ Ba³la³āu²ah³lu¹tai²nān²tu³
 ĩ³kwai²kxi²ta¹hxai²ti³ai¹ti²tu³wa². ĩ³kwai²kxi²ha²kxai³
 Ba³la³āu²ah³lu¹tai²na² wen¹te²hũ³te²a²
 ĩ³yxo²kāin²ti³nha²ju³tu¹tai²na² ā³nhāu²no³ta¹hxai²ti³ai¹ti²tu³wa².

17 A²nxe³ju³tai²na² ko³nxe³ti³ kāi³ain¹tũ³ka³txai²li²
 ka³wā³lxa² yā¹xain¹na³la². ĩ³yau³xa²
 hxan³kxai²nān²tu³ ka³wā³lxa²na² te²te²ju²hē³la².
 Te²yā¹nxain¹na³la². O³sĩ³nai²na² yā¹xain¹na³la².
 It3ta² ũn³jau³xa² kwa³sa²tā³te²ju²hē³la².
 Te²yā¹nxain¹na³la². A²nxe³te²na²
 sa²kxai³lu² Txa²wā¹sũ³na² hi²sen³kxai³lu²
 a³ya³txain¹tu¹wa². Ka³nxah³sa²tē³jen³nũ³a² ā²la²
 āu¹la³kxi²ta¹hxai²hē¹la². 18 A²nxe³tũ³ka³txai²na²
 sa²kxai³lu² ha³lo²a² wai³nxa³ju³ta² so¹lxĩ³
 yxau²ho³hain¹na³la². Nxe³ha²kxai³ a²nũ²a² ĩ²li³te²a²:

— Ko³nxe³tĩh³na² ā³na¹sxā³ ā³waix³kxi²na¹tũ¹xā¹.
 Nxe³jau³su² kxai²nān²tu³ tũ¹ka³txai²na²
 hi²sen³su² te³nai¹nxa³wa². Te³nai¹nxa³ha²kxai³
 yxo²kāin²e³ai¹nha²kxai³ wān³txa² toh³lxĩ³jau³xa²
 kwa² ĩ³kāi²no³nha²si¹jau³xa² e³ai¹nha²kxai³
 nxe³ain¹na³la². Nxain¹ju³tan¹te²kxa³ya³lhu²
 kuh³lxa³thin¹sxā³ o²la³kxi²si¹hai¹nha²kxai³
 yuh³xai²nān¹te²a² yxo²kwain³kxa²
 ā³si³tē³kxi²si¹hai¹nha²kxai³ nxe³si¹jau³su²
 ā³ke³tũ¹nũ¹hain¹ju³ta² te³nain¹na³la².

19 Nxain¹te³na¹ ko³nxe³tũ³ka³txai²na²
 wi¹lhin¹ki³lxo³jau³xa² e³kxain¹na³la². Te³nah¹lxi¹:
 — Txa²wãn³txa² e³kxi¹nx2ta¹jau³xa²
 sa²yo²we¹jah³lxin¹kxai²nãn²tu³ ã³wa²sut1sxã³
 yxau³yah³lxin¹tu¹wi¹. Nxe³jau³su²
 ã³ke³tũ¹si¹hain¹jau³nũ³su² e³kxain¹na³la².
 Nxain¹ta¹ txũ¹ka³txai²na² sa²kxai³lu²
 ko³nxe³ti³ kãi³te²lo³tain¹na³la². Nxe³ju³ta²
 yen³kxa² i²li³ju³tai²na² hxi²kan¹txi³
 wa³ka³to³ki³sxa³kxai²nãn²tu³ nxe³ju³ju¹tai²na²
 sa²kxai³lu² sa²yo²we¹ki³tãu³lot3hĩ³ki³tã³la².
 Te²u¹jã¹nxain¹na³la². 20 Jã¹nxain¹jut3su²
 a²wi¹lhĩ¹na² Je³su² Kris²tu³jah¹lai²na²
 Txa²wã¹hxi²kan¹ta² Si³yxau³jah¹lai²na²
 ã³wa²su¹tũ¹nhẽ³jah¹lai²na² i²nyhain¹na²hẽ³la².
 Nyhai¹nha²kxai³ yuh³xai²nãn¹te²a² ko³nxe³ti³
 kãi³kxe³su² ã³wa²su¹tain¹na²hẽ³la². Nxe³yãn¹ta¹
 hã²wxãn³txa³ yuh³xai²nãn¹te²a² ko³nxe³ju³ta² ãh¹
 o²la³kxain¹kxai²nãn²tu³ nxe³te²a² yuh³xai²nãn¹te²a²
 ko³nxe³kxe³su² wa³ka³to³tai¹nhĩ³nx2na³la².
 A²wi¹lhĩ¹nãn¹ju³ta² wai³nain¹na²hẽ³la².
 Yxãn¹ta¹ nxe³hĩ¹nãn¹te²tu³ ko³nxe³ti³ju³ta²
 ã³kãi²no³tũ¹hain¹na³la². Nxe³sxã³ ko³nxe³ti³
 kãi³ain¹ju³ta² ã³kãi²non³kxa² yã¹nxe² kãi³ain¹kxa²
 yo³ha² ã³kãi²non³nũn³tu¹wa². 21 A²wi¹lhĩ¹na²
 tĩh³na² wain³txi³ kãi³ain¹tĩh³na² i²ain¹na²hẽ³la².
 Txa²wã¹sũ³na² wãn³txa² wi¹lhin¹jau³xai²na²
 sa²yo²wet1sxã³ kãi³ain¹na²hẽ³la². Ju¹tai²na²
 wain³na³la². Yxãn¹ta¹ kxã³nãu³a² tĩh³na² wain³txi³
 i²ain¹tĩh³na² sa²kxai³lu² sa²yo²ã³ain¹na²hẽ³la².
 Nxe³ju³tai²na² wain³ti³he¹nx2nxa³wa².
 Nxe³ain¹jut3su² ko³nxe³tain¹ju³ta² ã³kãi²no³tã³la².

22 Jã¹nxain¹jut3su² wãn³txa² tĩ³yau³xu¹ta²na²
wãn³txa²yã¹nxain¹na³la². Nxe³jau³xa²sa¹:

— Wai³a³lxa² ĩ³nih¹kxai²nãn²tu³ a³luh³te²ju²hẽ³li¹.
Hã²wxãn³txa³ ye³jen¹na² ã³wa³li²sxã³
a³luh³jau³xai²li² ãh¹ ĩ³yai³nxi²te²ju²hẽ³li¹.
Nxe³jau³jau¹xai²li² nxe³hxai²na²hẽ³la².
Te²yãx1jau³xa² ãh¹lxi³jau³xa²sa¹:

— Yxa³kxi³su² te²a² ha³lo²a² kwã¹kwãn¹ju³ta²
kwa²sxa³te²ju²hẽ³li¹. Nxe³yãn¹ta¹ a²nũ²a²
hi²sen³kxai³lu² yxa³kxai²na² tẽ³sxã³
wxa²hĩ³la³kxa² han³ka²txi³nũ¹hĩ³nx2na³li¹.
Wxa²hĩ³la³kxi² han³ka²txi³nũ²la² hã²wxãn³txa³
ye³jen¹na² te²yxa³kxain²txi³ wa³li²sxã³
ha³lo²a² kwã¹kwãn¹ju³ta² ãh¹lxi³sxã³
kwa²sxa³xi²hĩ³nx2na³li¹. Nxe³jau³jau¹xai²li²
nxe³hxai²na²hẽ³la². Jã¹nxe³jut3su² tũ¹kã³txai²na²
ko³nxe³ti³ kã³tũ³kã³txai²na² yxa³kxa²
yã¹nxain¹na³la².

3

*Txa²wã¹hxi²kan¹ta² Si³yxau³jah¹la² a³ka³nxi²sxã³
wxã³ju³ta²nũ³su²*

1 Txa²wã³tã³yah³lxi¹lxa². A³lxi¹nx2ta¹nha²wa².
Ha³teh³nxã³nxa² ũ³wha²li¹la³kxi¹nx2ta¹ta¹ti²ti¹.
Jã¹nxe³nx2ta¹tu¹wi¹. Nxe³nx2ta¹txã³nxai²na²
sa²kxai³lu² wxa²ẽ¹nãu³ai²na² wã²nxũ¹hain³nyhah¹lxin¹kxa²
wi¹lhin¹ju³ta² so¹lxi³wã²nxũ¹hain³nha²yah³lxin¹ju³ta³nũ³a²
ten³sa³nhai¹. Nxe³nx2ta¹jau³su²
nxe³ye¹nx2ta¹wa². 2 Wãn³txa²
kxã³nxu¹ta²nãn¹jau³xai²na² Txa²wã¹sũ³na²
wãn³txa² hen³txi³si¹tũ³kã³txu¹ta²nãn¹jau³xa²

ĩ³sa²wa³la³kxi¹nx2ti³ha²kxai³ wãn³txa²
 Je³su²jah³la² Txa²wã¹hxi²kan¹ta²
 Si³yxau³jah¹lai²na² txa²wã¹ẽ¹nãu³ai²na²
 sa²hau³ko³tũ¹nhẽ³jah¹lai²na² wãn³txa²
 kwa³na³kxi²nẽ³jau³xai³tã² nxe³jau³xai²na² Sũ³na²
 ĩ³kaix1so¹tũ³ka³txa² ĩ³sa²si¹hã³ũh¹nx2tain¹tũ³ka³txa²
 wi¹lhin¹khai¹nxe³tũ³ka³txa² wãn³txai³tã²
 ĩ³sa²wa³la³kxi¹nx2ti³ha²kxai³ nxe³si¹nx2ta¹jau³su¹
 nxe³ye¹nx2ta¹wa². 3 A²nxe³jau³su²
 wi¹li²nha¹jah¹lxi³hẽ¹la². Txa²wã¹ha³lo²a²
 ne³ki³so³nhxan³je³na³wa³kxa² a²nũ²a²
 kuh³lxa³thin¹te²a² wxã³yain¹tu¹wa².
 Wxã³yain¹te²kxai³lu² kuh³lxa³thin¹ju³ta²
 so¹lxi³ kãi³si¹hain¹tu¹wa². Kõ³nxe³ti³
 yxo²kwa³lxi³txa²lxain¹tu¹wa². 4 ĩ³ki³ha¹kxi¹nxa²lxain¹tu¹wa².
 Nxe³nxa²lxain¹te³nah¹lxi¹:

— Je³su²jah³lai¹tã² wã³li²xi²jau³nũ³su²
 ain³kxi²ki³tai¹ti²tu³wi¹. Nxe³yãn¹ta¹ ĩh¹nũ¹la³tã³
 he¹ji¹ku¹, ki³nhai¹. Txa²wã¹yah³la²nãu³xa²
 ya³lu²kxi²nẽ³tai¹ti²tu³wi¹. Yxãn¹ta¹ wã³la²
 ĩ³xi²nxa³te²tai¹ti²tu³wi¹. Txa²wã¹ha³lo²a²
 kxã³nhxĩ¹nu¹tai²na² wã²nxũh¹ yũ³si¹jau³nũ³su²
 ĩ³ye³ta¹hxai²ti³ai¹ti²tu³wi¹. Nxe³ta¹
 nxe³hĩ¹nãn¹te²tu³ ha³lo²ai²na² wã²nxũh¹
 yũ³hĩ¹nu¹jã¹nxe² ai²sa²te³te²ju²hẽ³li¹.
 Yxãn¹ta¹ wã³li²te²sxa³jai¹ti²tu³wi¹. Nx-
 ain¹jau³su² ĩ³ki³ha¹kxi¹nxa²lxai¹nha³ta²wa².
 5 Jã¹nxain¹jau³su² wãn³txa² a²ya³la³tu³jau³xa²
 te³nai¹nxa³jau³su² kwa²sa²tã³ain¹te²ju²hẽ³la².
 Nxe³jau³xa²sa¹. A²wi¹lhĩ¹nu¹tai²na²
 Txa²wã¹sũ³na² hi²sen³kxai³lu² wãn³txa² so¹lxi³
 e³ha²kxai³ yen³kxa² ĩ³yũ¹ta¹hxai²ti³ai¹ti²tu³wa².

Txa²wā¹oh³xan¹ko³xai²na² wā²nxūh¹
 yū³si¹jau³nū³su² ī³ye³ta¹hxai²ti³ai¹ti²tu³wa².
 Nxe³te³nu¹tai²na¹ txa²wā¹ha³lo²ai²na²
 yuh³xan¹ko³xai²na² ī³yau³xa² sa²sai¹sxā³
 wa³si³sin³ko³xa² we¹ta¹hxai²ti³ai¹ti²tu³wa².
 Nxe³te³nu¹tai²na¹ ī³yau³xai²na² nxū²kwai³ye³la³nāu³a¹
 ha³lo²a²wa³si³sin³ko³xa² wet¹sa²tē³ta¹hxai²ti³ai¹ti²tu³wa².
 6 Hā²wxān³txa³nū² jū¹nxa² yan¹nāu³u¹tai²na¹
 No³e²ah³lu¹tai²na² yxau²xai³ta¹hxai²hē¹la².
 Nxe³tāu³u¹tai²na² ī³yau³xai²na² sa²kxai³lu²
 txa²wā¹yuh³xan¹ko³xai²li² a²nū²a²
 yxau²xai³lain¹tū³ka³txai²li² whāi²na¹
 hūx¹sxā³ hxat³si¹ta¹hxai²ti³ai¹ti²tu³wa².
 7 Jā¹nxe³jut³su² oh³xan¹ko³xai²na² hī¹na²
 ī²kī³ko³xai²na² yuh³xai²nān¹ko³xai²na² hī¹na²
 ī²kī³ko³xai²na² nxe³sxā³ te²yā¹nxe³sxā³
 hūx¹sxā³ hxat³sih¹xah³lho³la². Txa²wā¹sū³na²
 a²yo²wān³txu¹txai²na² e³ju³tan¹te²kxa³ya³lhu²
 ko³nxe³te²la³ a³ya³txi²kxe³nū³a² ūh³wxe³na²hē³la².
 Nxe³te³na¹ ha³lo²ai²na² whāi²na¹ Txa²wā¹sū³na²
 wān³txu¹tai²na² we¹ta³lun²si¹ja³kxa³nū³su²
 ha³nxe²a² ī³ju³ta² ī³hxan³si¹tu¹wa². Nxe³tāu³ān²tu³
 a²nū²a² ko³nxe³thin¹te²nāu³xai²na² a²yo²ha³kxa¹
 ko³nxe³ti³ ī³yī¹li²ha²kxai³ ko³nxe³thin¹kxa² yo³ha²
 ū³hū¹ai¹nha²kxai³ nxe³ain¹tu¹wa².

8 Nxe³nxa²ha¹te¹ txa²wā³tā³nāu³yah³lxin¹te²nāu³
 ī³nxa² sa²kxai³lu² a³lxī¹nx2ta¹wa².
 Nxe³nx2ta¹ha²kxai³ wān³txa² e³kxi¹nx2ta¹jau³nū³a²
 ne³wā²na³ah³lxī³txa³hē¹la². Txa²wā¹sū³na²
 yen³nāu³a² a³la²ni²kxi³ju³ta² ā³ta³lo³wa³to²hi²
 ai³kī³ju³ta³nū³a² yū²nxa³wa². Ye³ka³na³ka³nat³sxā³
 a³la²ni²kxi³ju³tain²txi³ ye³ka³lxai¹txi³

a³la²ni²xi²kxi³ju³tain²txi³ te²yā¹nxe²
 ain²na³la². 9 Nxe³jut3su² Txa²wā¹sū³na²
 wān³txu¹ta²na² e³kxi²nē³jau³xu¹ta²na²
 win¹ta²te²lxi³ wxā³nū¹nhē³jau³su² ti³he¹nxa³wa².
 Nxe³yān¹ta¹ thāi³ti³la² ya³nān³ta³ki²la²sxā³
 wah³nxe³nx2ti³na³la². A²nū²a² i²li³hxa³te²lxi³
 ko³nxe³ti³ kâi³te²a² ko³nxe³ti³ kâi³kxa² yo³ha²
 ũ³hū¹ain¹kxe³nū³su² i³ka³lxi¹lhxi²nxa³wa²;
 Nxe²nxa³ha²kxai³ a²ē¹nāu³ai²na²
 i³ain²ta³kxi²nha¹jau³nū³su² wah³nxe³tu¹wa²,
 a²ē¹nāu³ai²na² wxa²wa²su¹te³lha³ka³.

10 Nxe³ha²kxai³ Txa²wā¹hxi²kan¹ta²
 Si³yxau³jah¹la² wxā³ju³ta²nū³a² wa³su¹txi³
 wxā³tu¹wa². A²nū²a² kuh³lxa³sin¹jah¹lai²li²
 yen³kxa² kâi³kxi²te³lhxā³ wa³su³txi³
 wxā³ti³hū³nxe³ Txa²wā¹hxi²kan¹ta² Si³yxau³jah¹la²
 wxā³ju³ta²nū³a² wa³su¹txi³ wxā³tu¹wa².
 Nxe³kxai²nān²tu³ o³sī³nai²li² kâin²nxon³sān²sxā³
 ne³ki³son³tu¹wa². U³je³na³kai²na² i³la³kxai²na²
 hi³ka²ta³ai²na² nxe³sxā³ kâin² i³lat1sa²kxai³
 i³hxa³nain¹tu¹wa². Yuh³xai²nān¹ta² ko³xa² te²na²
 yuh³xan¹ta² yen³kxa² te²na² a²yo²ha³kxa¹
 ũ³thū²ha²kxai³ i³hxn³tu¹wa². 11 Jā¹nxe³ha²kxai³
 yen³kxai²li² a²yo²ha³kxa¹ ũ³thū²hxa³kxe³nū³su²
 yū³ju³tan¹te²kxa³ya³lhu² wxa²ē¹nāu³ai²na²
 i²nha²khai¹nxe³jah³lxi³hē¹la². Wi¹lhin¹ju³ta²
 so¹lxi³ kâi³jah³lxi³hē¹la². Txa²wā¹sū³na² wān³txa²
 whāi²na¹ sa²yo²wet1sxā³ yxau²xai³jah¹lxi³hē¹la².
 12 Txa²wā¹sū³na² Si³yxau³tāu³ai²na²
 wxā³ju³ta²nū³a² wahx3yah³lxin¹tāu³a² wa³su¹txi³
 wxā³si¹ja³kxa³nū³su² ā³ten³jah¹lxi³hē¹la².
 Wxā³kxai²nān²tu³ o³sī³nān²tu³ ũ³thū²hxat3sa²kxai³

u³je³na³kai²na² i³la³kxai²na² hi³ka²ta³ai²na² kãin²
 i³lat¹sxã³i³ha³lxin¹nhxan³tu¹wa², 13 Kxã³nhxĩ¹nai³tã²
 Txa²wã¹sũ³na²ũ³wha²li¹txã³nxa²nxe³te³nah¹lxi¹:

— Kxã³nãu³a¹o³sĩ³na²tah²ko³xa²i³yũ¹ta¹ha²kxai³
 yuh³xan¹ko³xa²tah²ko³xa²i³yũ¹ta¹ha²kxai³
 nxa¹tu¹wi¹. Nxe³na¹kxai²nãn²tu³wi¹lhin¹ju³ta²
 so¹lxi³yũ²sa²tẽ³tu¹wi¹. Nxe³ta¹hxai²ti³ai¹ti²tu³wa².
 Nxe³jau³xai²na²wxã³si¹ja³kxa³nũ³su²
 wah³nxe³ki³tã³la².

14 A²nxe³jut³su²a³lxi¹nx2ta¹nha²wa². Ju³ta³nũ³a²
 wahx3yah³lxi¹nha²kxai³wi¹lo²la³kxi¹jah³lxi³hẽ¹la².
 Sũ³na²wãn³txa²sa²yo²we¹jah³lxi³hẽ¹la².
 Yah³lxin¹ju³tan¹te²kxa³ya³lhu². Sũ³nu²kxai³lu²
 i³ye³kxi¹nx2ti³tu¹wa². I³ye³kxi¹nx2ti³te³nah¹lxi¹:

— Wxãi²li²wain³txi³sa²yo²wet¹sah¹lxi¹lxi¹.
 Kõ³nxe³ti³kãi³yah³lxin¹ju³ta²ã³wa²su¹tũ¹nx2ti³ha²kxai³
 hĩ³na²i²nxa³wi¹. Hãu²not3sxã³yxau³nũ¹sah¹lxi¹lxi¹.
 Sũ³na²wãn³txa²nxe³nx2ti³tu¹wa².
 15 Jã¹nxe³ju³kxai³lu²wxa²ẽ¹nãu³ai²na²
 sa²hau³kot3nha²si¹jau³su²Txa²wã¹sũ³na²hxi²ka²
 kõ³nxe³ti³i³yĩ¹li²hain¹ti³wa³kxa²wa³su¹txi³
 wxã²nxa³hẽ¹la². Nxe³ju³ta²na²a²yo²ha³kxa¹
 Pau²lah³lai²li²txa²wã¹wã³tã³su²a³lxi²ki³jah¹lai²li²
 te²yãx1jau³su²ũ³wha²li¹la³kxi²nẽ³ta¹ti²tu³wa².
 A²hoh³lxi³khaix1sa²jah¹lai²la¹wa². Nxe³sxã³
 i³tih³nxe³nẽ³te²jai¹ti²tu³wa². 16 Jã¹nxe³sxã³

Pau²lah³lai²na²ha³te³h³nxã³nxãn¹jau³su²
 jau¹xai²na²whãi²na¹i³yau¹ũ¹nhẽ³te²jai¹ti²tu³wa².
 A²nxe³jau³xai²na²wa³lẽ³jau³xa²yũ³nũn³na³la².
 A²nxe³jau³jau¹xai²na²a²nũ²ai²nãn²tu³
 Sũ³na²ũ³wha²li¹txã³nxa²i²ai¹nxa³te²nãn²tu³

ă³ne³wxe³ai¹nxa³wa². A²nũ²ai²nãn²tu³ Sũ³na²
 ũ³wha²li¹txă³nxa² kan²txi³ i³ai¹nxa³te²nãn²tu³
 ka²yău¹ka²yău¹txi³ ă³ne³wxe³ain¹na³la². Nxe³sxă³
 Sũ³na² ũ³wha²li¹txă³nxa² hăi¹nxe³ti³xa¹ te²yă¹nxe²
 ka²yău¹ka²yău¹txi³sxă³ ă³ne³wxe³ain¹na³la².
 Nxe²kăi³ai¹nha²kxai³ a²ê¹nău³ai²na²
 hai³txi³ wi¹lhi¹nai¹nxa³wa². Kxă³nău³a¹
 Txa²wă¹sũ³na² hi²sen³kxai³lu² kô³nxe³ti³
 î³yî¹li²hai¹tu¹wa². Kô³nxe³ti³ î³yî¹li²hai¹nha²kxai³
 khăuh³lxa³txi³sa²tê³ain¹ju³ta³nũ³a² yũ³yain¹tu¹wa².

17

Jă¹nxe³jut³su² wxăi²nãn²tu³
 a³lxi¹nx2ta¹nha²wa². Jau³jau¹xai²na²
 wi¹kô³nha²yah³lxi¹lxa². Wi¹kô³nha²yah³lxi¹nha²kxai³
 î²nha²khai¹nxe³jah³lxi³hê¹la². Yxăn¹ta¹
 nxe³yah²lxan³kxai²nãn²tu³ a²nũ²ai²na²
 Sũ³na² wăn³txa² sa²yxo²we¹txa³te²yă¹nxe²
 yah³lxi³te²sa²hî³nxa¹lxa³. Yah³lxin¹kxai²nãn²tu³
 ha³yax3khi¹nă³ yxo²î²yah³lxi¹nha³ta²wa².

18 Nxe³yăn¹ta¹ te²yă¹nxe² kăi³yah³lxi³txa³hê¹la².
 Je³su² Kris²tu³jah¹la² Txa²wă¹hxi²kan¹ta²
 Si³yxau³jah¹lai²na² txa²wă¹ê¹nău³ai²na²
 sa²hau³kô³tũ¹nhê³jah¹lai²na² kăin² thăi³ti³la²
 a³lxi¹nx2ti³ju³ta² ă²la² kăi²non³ju³ta³nũ³a²
 ă³ten³jah¹lxi³hê¹la². Jah¹lai²li² ă²la²
 kăi²non³sxă³ a³la³kxi²nũ¹jah¹lxi³hê¹la².
 Jah¹lai²na² so¹lxi³ sa²nên¹kxi²sa²tê³jah¹lxi³hê¹la².
 Yah³lxi¹nhî¹nãn¹te²tu³ sa²nên¹kxi²sa²tê³jah¹lxi³hê¹la².
 Jă¹nxe³na¹jau³su² nxe³ye¹nx2ta¹wa². Ta³lu²na¹wa².

Txa²wã¹sũ³na² Wãⁿ³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

5198f7a7-ab9d-5d69-b112-d94960f81d2a